



BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 46/06 i 51/09), člana 72. Statuta Općine Novi Grad Sarajevo ("Službene novine Kantona Sarajevo" broj: 1/24), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj: 37/24), člana 4. Pravilnika o uspostavi i funkcionisanju "Mreže Centara za zdravo starenje Općine Novi Grad Sarajevo" i Budžeta Općine Novi Grad Sarajevo za 2026. godine (Tekući transfer za Centar za zdravo starenje / ekonomski kod 614300/GAA31), Općinski načelnik na prijedlog Službe za boračka pitanja, rad, socijalna pitanja i zdravstvo, objavljuje:

**JAVNI POZIV
ORAGANIZACIJAMA CIVILNOG DRUŠTVA/NEVLADINIM ORGANIZACIJAMA ZA
REALIZACIJU PROJEKTA MREŽA CENTARA ZA ZDRAVO STARENJE OPĆINE NOVI
GRAD SARAJEVO**

Općina Novi Grad Sarajevo poziva organizacije civilnog društva (OCD)/nevladine organizacije (NVO) koje djeluju na području Općine Novi Grad Sarajevo (u daljem tekstu: Općina) da dostave prijedlog realizacije projekta za sljedeće prioritetne oblasti djelovanja:

1. Promocija zdravlja i poboljšanje kvaliteta života starih osoba;
2. Poboljšanje socijalne uključenosti starijih osoba u zajednicu i društvo.

Sredstava za odobreni prijedlog realizacije projekta iznositi će do 90.000,00 KM (konvertibilnih maraka). Općina zadržava pravo da poništi Javni poziv u slučaju da prijedlozi realizacije projekta ne zadovoljavaju zadane kriterije kao i pravo izmjene iznosa odobrenih sredstava u skladu sa budžetskim sredstvima Općine. Dužina trajanja projekta je 12 mjeseci. Izabrani projekat trebalo bi da se provede u toku svih 12 mjeseci sa mogućnošću produženja maksimalno do 12 mjeseci, pod istim uslovima.

LOKACIJA:

Projekat će biti implementiran na području Općine Novi Grad Sarajevo, u objektima koji su namjenjeni za Centar za zdravo starenje na lokacijama Alipašino polje i Dobrinja.

PRAVO UČEŠĆA:

Učešće u ovom Javnom pozivu je otvoreno za sve formalno registrovane OCD-e/NVO-e (udruženja/udruge, fondacije) koje djeluju na području Općine, u skladu sa važećim zakonskim propisima u Bosni i Hercegovini. Sve zainteresovane organizacije civilnog društva detaljne informacije o uslovima za prijavu/apliciranje i kriterijima za finansiranje realizacije projekta mogu pronaći u Smjernicama za podnosiocce prijedloga realizacije projekta u okviru Javnog poziva.

PREUZIMANJE DOKUMENTACIJE:

Dokumentacija i informacije vezane za prijavu na Javni poziv za Općinu Novi Grad Sarajevo mogu se preuzeti sa službene web stranice Općine www.novigradsarajevo.ba, ili lično: Općina Novi Grad Sarajevo, Služba za boračka pitanja, rad, socijalna pitanja i zdravstvo, ulica Bulevar Meše Selimovića broj 97, 71 000 Sarajevo.

PREDAJA DOKUMENTACIJE:

Popunjena aplikacija sa kompletnom dokumentacijom mora se dostaviti u dva /2/ primjerka u štampanoj formi i jedan u elektronskoj kopiji (CD ili USB) u zatvorenoj koverti, sa naznakom "Za Javni poziv za realizaciju projekta Mreže centara za zdravo starenje Općine Novi Grad Sarajevo", preporučeno poštom ili na protokol Općine od ponedjeljka do petka, na sljedeću adresu:

Općina Novi Grad Sarajevo
Bulevar Meše Selimovića broj 97
71 000 Sarajevo

Na koverti mora biti naznačeno:

JAVNI POZIV

*ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA REALIZACIJU
PROJEKTA MREŽA CENTARA ZA ZDRAVO STARENJE OPĆINE NOVI GRAD SARAJEVO*
i navod "Ne otvarati".

Rok za predaju aplikacija/prijava je petnaest (15) dana od dana objavljivanja Javnog poziva. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

O primljenoj pošiljci u Općini vodit će se uredna evidencija i izdavati potvrde o prijemu. Svi aplikanti koji su predali prijedloge, koji su prihvaćeni ili odbijeni, bit će obaviješteni u pismenoj formi o odluci u vezi s njihovim prijedlogom projekta. Pristigle prijedloge razmotrit će i procijeniti Komisija za ocjenjivanje, imenovana od strane Općinskog načelnika. Rezultati će biti objavljeni na web stranici Općine Novi Grad Sarajevo, kao i na oglasnoj ploči Općine.